

## 第一篇

### <風吹>

風吹 風吹 風若吹 著起飛

親像天頂一蕊花 飛去揣白雲妹

替風姨送一張批

風吹 風吹 風若吹 著起飛

自由自在的寶貝 飛予遠遠等人揣

偷偷仔講出心內話

### <尾蝶仔>

尾蝶仔 妝甲嬌噹噹

飛懸飛低 四界弄

飛來飛去 耍規工

採花蜜 歇花樣

日子快樂閣輕鬆

今年定著好年冬

### <蘋果面>

面圓圓 紅記記

人攏叫伊蘋果面

笑微微真古錐

愛食蘋果甜甜甜

蘋果甜甜好滋味

囡仔乖乖人佻意

笑微微真古錐 親像蘋果甜甜甜

### <玫瑰>

玫瑰你真嬌 尾蝶飛來歇花蕊

規身軀紅記記

是毋是偷抹阿母的胭脂？

玫瑰你真嬌 蜜蜂相招耍花蕊

規身軀清芳味

是毋是偷搵阿姊的芳水？

## 第二篇

### <問田嬰>

彼一年的熱天  
風飛來鵝尾山邊  
溪仔水佢伊走相覷  
彎彎幹幹足歡喜

彼一年的熱天  
風飛來鵝尾山邊  
溪仔水佢伊臆謎猜  
一句一句笑微微

彼一年的熱天  
風飛來鵝尾山邊  
溪仔水毋知佗位去？  
烏色的大打馬膠路  
恬恬毋敢講起！

### <花>

花 是美麗的仙女  
佇我傷心的時 陪伴我的身軀邊  
予我鼓勵 予我安慰  
花 是清芳的花蕊  
佇我煩惱的時 陪伴我笑微微  
予我心情輕鬆免傷悲。

### <看著一隻魚>

老師恁阮去溪邊  
看著一隻魚  
魚仔佇水裡泅來泅去  
溪水烏烏 溪水無清氣  
魚仔強欲袂喘氣